

JAVNI POZIV STUDENTICAMA I STUDENTIMA za dostavljanje prijava za ferijalni rad u SR Njemačkoj u 2026. godini

Agencija za rad i zapošljavanje Bosne i Hercegovine poziva zainteresirane studentice i studente upisane na univerzitete u Bosni i Hercegovini da dostave prijave za rad u SR Njemačkoj tokom ljetnog raspusta u 2026. godini u okviru Programa ferijalnog rada koji se odvija u saradnji sa Saveznom agencijom za rad SR Njemačke. Na ovaj poziv mogu se prijaviti **isključivo redovne/i studentice/i** univerziteta u Bosni i Hercegovini koje/i **nisu upisane/i u posljednju godinu studija**. Ostali uvjeti: vrlo dobro i dobro poznavanje njemačkog jezika, raspoloživost za rad u Njemačkoj u periodu koji nije kraći od dva mjeseca, studentice/i se ne bi trebale/i ograničavati na neku regiju ili mjesto u kojem žele raditi, spremnost za rad u što više industrijskih sektora u kojima se nude poslovi. Prethodno radno iskustvo je prednost.

Prijava treba da sadrži sljedeće: 1. **Dva prijavna obrasca** (*Bewerbungsbogen*), **obostrano štampana**, popunjena (po mogućnosti elektronski) **na njemačkom jeziku** sa unesenim **datumom i potpisom studentice/studenta**, 2. Dvije fotografije novijeg datuma (format za pasoš); 3. **Dva primjerka obrasca** *Erklärung zur Immatrikulationsbescheinigung* popunjena na njemačkom ili engleskom jeziku sa **datumom izdavanja, potpisom odgovornog lica i pečatom fakulteta** (dostaviti samo jedan primjerak, drugi primjerak studenti zadržavaju kod sebe i predaju poslodavcu po dolasku u Njemačku u slučaju da dobiju ponudu za rad); 4. **Dva primjerka uvjerenja o studentskom statusu** koje je izdao fakultet **na njemačkom ili engleskom jeziku**. **Ako je uvjerenje izdato na jezicima u službenoj upotrebi u BiH, potrebno je priložiti i prijevod dokumenta na**

njemački ili engleski jezik ovjeren od strane sudskog prevoditelja (dostaviti samo jedan primjerak, drugi primjerak studenti zadržavaju kod sebe i predaju poslodavcu po dolasku u Njemačku u slučaju da dobiju ponudu za rad); 5.**Izvod sa informativnog portala Anabin** <https://anabin.kmk.org/db/institutionen> **kojim se dokazuje status stranog univerziteta (H+,H+/-)**. 6.**Kopiju pasoša** (samo stranica sa slikom); 7. Ovjerenu kopiju vozačke dozvole (neobavezno). Način podnošenja prijava: Zainteresirane/i studentice/i, koji ispunjavaju navedene uvjete, dostavljaju prijavna dokumenta **preporučeno poštom** na sljedeći način: studentice/i univerziteta u **Federaciji Bosne i Hercegovine prema sjedištu fakulteta u odgovarajućoj kantonalnoj službi za zapošljavanje**, studentice/i univerziteta u **Republici Srpskoj prema sjedištu fakulteta u odgovarajućoj filijali Zavoda za zapošljavanje Republike Srpske**, studentice/i koje/i studiraju u **Brčko Distriktu BiH Zavodu za zapošljavanje Brčko Distrikta BiH**. Prijave se mogu dostavljati i direktno **Agenciji za rad i zapošljavanje Bosne i Hercegovine na adresu:** Agencija za rad i zapošljavanje Bosne i Hercegovine, Đoke Mazalića 3, 71000 Sarajevo sa naznakom „Prijava za Ferijalni rad u SR Njemačkoj 2026“, Rok za dostavljanje prijava je **petak, 23.1.2026. godine**. **Napomena:** Prijavna dokumentacija se šalje u Saveznu agenciju za rad SR Njemačke i ne vraća se studenticama/studentima. Savezna agencija za rad SR Njemačke će uzimati u obzir samo potpunu i ispravno popunjenu dokumentaciju koju dostavi Agencija za rad i zapošljavanje Bosne i Hercegovine. Informacije o ferijalnom radu u SR Njemačkoj dostupne su u dokumentu ***Info – Ferienbeschäftigung***, a za dodatna pojašnjenja studentice/i se mogu obratiti Agenciji za rad i zapošljavanje Bosne i Hercegovine. Kontakt: tel.: 033/560 354, E-mail: merima.planincic@arz.gov.ba

Srećan Božić

Srećan Božić

želi vam JU Služba za zapošljavanje ZDK